



Deen aur Hum

Short Term Religious Course-IX

Lecture Number: 13

Ramadhan-ul-Mubarak, 1446/2025, Lucknow (INDIA)

Date: 12/03/2025

SUMMARY (Level 2)

Topic: Humare Nabi (saw)
Aayaat: Surae Ahzab [33], Aayat: 40-47

- **Humare Nabi (saw) ka mukhtasar ta'aruf:**

- Hmare Nabi (saw) akhiri Nabi hain, ye aqeeda rakhna zaroori hai, aur aap tamam dunya me sabse afzal hain, aur aapki laayi hui shariyat, qayamat tak baaqi rehne wali hai.
- Akhiri Nabi (saw) ka naam zikr hone par salwat bhejni chahiye.
- Aap ka naam "Mohammad" (saw), Laqab Mustafa aur kunniyat "Abul Qasim" hai.
- Aapki wiladat, 17 rabiul awwal, 1 aamulfeel (569 ya 570 eeswi) ko, Shaib e Abutalib (as) mein huyi. (Aamulfeel wo saal hai jisme Abraha ne hathiyon ke sath khana e kaaba par hamla kiya tha aur Khuda ne ababeel (choti chidhya) ke zariye kankadhi kar Abraha aur uske lashkar ko shikast di.)
- Aap, Janabe Ismail (as) ki nasl se the aur khandaane Bani Hashim mein paida hue, aapke walide mohtaram ka naam Abdullah (as) tha, aur aapki walidae majida ka naam Aamina binte Waheb (sa) tha.
- Aapke walid ka inteqaal, aapki wiladat se pehle hi ho gya tha aur aap 6 saal ke the jab aapki walida ka saaya aapke sar se uth gya.
- Aapko 8 saal ki umr tak aapke Dada Janab Abdul Muttalib (as) ne parwarish di aur uske baad aapke chacha Janab Abutalib (as) ne iss zimmedari ko ada kiya. Rasool s.w janabe Ismail ki nasl se the.

- **Aapki wiladat k waqt pesh aane wale kuch aham waqe'aat:**

- Iran mein ek mashoor Aatashkada thi jahan hazaar salon se aag jal rhi thi, aur aapki wiladat ke waqt wo aag bujh gayi.
- Iran ki darya jo daryacha saawah ke naam se mashoor hai wo darya khusk ho gya tha.
- Aasmani roshni jo Makke se chamak rhi thi mashriq se maghrib tak phaili.
- Jinnaton aur shaiyateen ka aasmani khabron tak pohonchne se mehroom hona.

- **Paighambar ka Jawani me tijarat ka safar krna:**

- Aap, Janabe Abutalib (as) ke saath tijarati safar par Syria tashreef le gaye the jahan, aapko dekh kar eesai rahib ne aapke chacha se kaha tha ke iski hifazat karen, iska naam bohot mashhoor hoga.
- Aap Janabe Khadeeja (sa) ke saman ki tijarat karne bhi gye. Phir wahan se aake Janabe Khadija (sa) se aapki shadi hui aur aapki umr uss waqt 25 saal thi.

- **Janabe Khadeeja (sa) se aapke do farzand the: Bibi Siddiqah Fatima (saw) aur Janabe Qasim (as) (jo bachpan mein hi wafaat paa gye the)**

- **Besat:**

- 27 Rajab ko, aap jab ghar e hira mein the, Jibraeel (as) pehli ayat leke nazil hue the "Iqra"; uss waqt aapki umr 40 saal thi aur ailane nabuwwat hua.
- 40 saal se pehle Rasool (saw) khamoshi se apne kirdar se deen ko phaila rhe the.
- Aya e Inzaar (surah shora ayat 214), nazil hone ke baad Rasool (saw) ne apne khandan walon ko bulaya aur dawat di jise dawate zul asheera kehte hain. Is dawat me bhi Maula e Kainat (as) ko Rasool (saw) ne apna khalifa banaya tha.